

Universitätsbibliothek Paderborn

Ignatii Loiolae Vita

Maffei, Giovanni Pietro

Antverpiae, 1605

Nauigat in Palaestinam. Cap. XIII.

urn:nbn:de:hbz:466:1-11486

menta fieri missima sunt. Ex iis porrò æstuaris, majores minorēsque curipi totam urbem intercursantes, variis mæandris ac flexibus ita distinguunt, ut, quot in partes pedibus, in totidem ferè mari 2. ditus sit; egregio sanguine vel artis vel naturæ miraculo. Inde vicorū, insularum, ac pontium ingens numerus: ut qui diutius ibi versati non sunt, viarum locorumq; modò varietate modò similitudine sèpe fallantur. Sed contra eiusmodi ambages certū paratumque remedium est maxima multitudo cymbarum, quæ usquequaque dispersæ, nominatim ad omnia & publica & priuata loca quælibet haud ita magna mercede trajiciant. Ignatius naui Patauina, ex iis quæ per Medoacū flumen assidue comeant, in area Marciana sub noctem expositus, cùm neque vias ad publica xenodochia nosset, nec portitori conducendo suppetarent nummi; affuerus longo; us malè cubare, sub porticu Procuratoria, quam appellant, residentibus iam se tenebris, vacuum opificis cuiusdam fulcrum elegit, in quo fessos artus utcumque reficeret. Tenet fama, litterisque multorum est memoria traditum, dum ille ibi noctem exigit, vicinum senatorem M. Antonium Triuisanum (quem ipsi multo deinde post eiusdem ciuitatis principem vidimus) cœlesti roce excitatum, increpitumq; quod in multa veste molliq; strato decumberet ipse, cùm interim Dei famulus peregrinus non longè à vestibulo illius ædium jacerebat in publico pauper, & omni humana ope ac solatio destitutus. Itaque ingenti metu & horrore perfusum prosiliisse confessim, & quæsitum diligenter Ignatium cepisse per honorificè. Sed ille postridie cùm in amicum veterem Cantabrum incidisset, a lautiore hospitio sese ad eum familiariter transtulit.

NAVIGAT IN PALÆSTINAM.

CAPVT XIII.

Ibi cùm aliquamdiu moraretur, in omnem nauigandi occasionem intentus; ecce tibi nouæ amicorum pugnæ, (quos illi vbius breui conciliabat cognita viri virtus atque modestia) eu variis terroribus ab instituta peregrinatione reuocare conantibus, quibus ille, Deo fretus, ita resistebat, ut diceret, pro certo habere se, ut cetera cuncta desiceret, vel una solummodo tabula quod cupiebat utique peruenturum. Nec enim sefellit bonitatis diuinæ fiducia. Cùm enim eo anno formidine Turcarum, ut diximus, lus

lito minor esset in Iudeam peregrinatum numerus, & quotquot
erant, simul omnes paulo ante soluissest; desperata iam a ceteris
re, Ignatius repente fit certior, nauem in Cyprum parari patricio
Veneto, praetori eiusdem insulae designato: cum que inde non ig-
noraret breuem atque facilem esse trajectum in Palæstinam; nul-
lo adhibito deprecatore, cum tamen multi nec aspernandi sup-
peterent, ad Venetorum Ducem Andream Gritum adiit ipsem, (100 100)
in signi non minus humanitate quam prudentia principē: ac Deo
faucete facile ab eodem impetravit, ut gratis in Cyprum usque
deuehetetur. Sed interea dum praetoria ornatur nauis, in febrim
Ignatius incidit, factum diuinitus est, probandæ scilicet eius con-
stantiae causa, ut quo die pharmacum hauserat, eo ipso nautæ si-
gnum profectionis ediderint. qua re minimè conturbatus Igna-
tius veniam petit ab hospite; qui pertinaciter ipsum etiam atque
etiam retinere conatus, cum nihil omnino proficeret, consultur
medicus. ille verò sine cunctatione respondet, hominem ad in-
toritum ruere. Attamen Ignatius nihil magis immutatus, & cæ-
lestis nimirum medici ductum sequutus, felici sanè cōsilio (quod
ramen admirandum potius quam imitandum aliis duxerim) flu-
tuante etiam tum in stomacho potionē conscendit; factumque
est Dei beneficio, ut ora soluta, inter nauigandum, ex ipsa ma-
ris agitatione tantam vim pestiferi ac vitiati humoris euome-
ret, ut morbo planè leuatum fese celeriter senserit. Recuperata
valetudine institit suo more, quoscumque poterat factis di-
stisque ad virtutem & pietatem adhortari. cumque in eadem na-
ui per summam impudentiam committi grauia quædam flagitia
comperisset, non dubitauit apertum dedecus detestari palam; &
impuros illos homines tanta orationis acrimonia reprehendere,
ut ii facta cum nautis conjuratione molestum sibi monitorem in
deserta quadam insula exponere, atque ab suo conspectu & con-
suetudine procul amouere decreuerint. quam rem odorati è ve-
storibus quidā Hispani ad Ignatium pro amicitia detulere, sua-
dentes etiam atque etiam, ut in loquendo cautiōr esset, sibiq; cō-
suleret. sed ille nihilominus turpiter peccantes objurgare perre-
xit, diuinæ prouidentiæ ope subnixus: cuius beneficio factum est,
ut ad insulam sceleri destinaram appropinquantes nautæ, aduer-
so repente vento rejecti, volentes nolentes Ignatium in Cyprum
usque peruerxerint: ubi cum stare ad salinas peregrinam nauem,
de qua supra diximus, audisset; illuc itinere terrestri se contulit:
in eamque gratis admissus, nihilo plus viatici secum intulit,
quam in priores intulerat; Christo uno videlicet fret°, qui tota illa
nauis.

nauigatione sese illi non semel ostendit; eumque magnopere cōfirmauit; ac denique incolumem ad portum Palæstinæ perduxit.

PALÆSTINÆ LOCA SANCTA
PER LVSTRAT.

C A P V T X I V .

INDE cum cætera peregrinorum turba progressus, ut ad conspectum sacratissimæ yrbis est ventus, incredibilem ex ipso illius intuitu cepit animo voluptatem; ac deinceps partim in comitatu, partim etiam solus, loca illa Christi Domini, MARIA virginis, & Apostolorum nobilitata vestigiis, eximis quodam animi fructu venerabundus haud semel obiit: modò inclyti quodam templi reliquias, modò sepulchra Prophetarum intuens: hic nascentis & vagientis; illic docentis, & miracula patrantis filii Dei monumenta considerans. Vbi verò ad loca ciuidé acerbissimis pœnis insignia, & morientis in cruce sanguine consecrata, atque ad defuncti sepulchrum accederet; effusus in lacrymas, humo pia oscula imprimere, immortales agere Domino gratias, incredibili quadam spiritus dulcedine & suavitate compleri. Ad hæc, antiquum beatissimæ Virginis domicilium, itemque locum instituto primùm Eucharistia mysterio & sancti spiritus aduentu memorandum, & alia eiusmodi quam plurima, qæ per otium deinde reuiseret, à mystagogo quam accuratissime adiscere. Erat Ignatio iamdiu deliberatum, ut diximus, in angustiis illis Iudææ sedibus pedem figere, atque ad conuertendos ad Euangelii lucem infideles toto pectore incumbere; quod non riperit vel vbi sanctius in terris vitam degeret, vel in quo mente fructuosius operam collocaret. Neq; plurimis iam experimentis diuinæ bonitati confidere, & in diem paruoque vivere assutum, rerum, quæ ad corpus pertinet, habebat cura ylla sollicitum. Id verò laborabat vnum, fragilitatis humanæ videlicet conscius, ne spiritui quotidie deficienti, & noxariis lordeis aliquas contrahenti, opportuna sacræ pœnitentiae ablutio & cœlestis panis alimēta deessent. Quam ad rem idoneum ratus ministerium fratrum è Franciscana familia, qui loca illa religiosa tuentur, & peregrinis aduenientibus præstò solent esse; adit ille ad custodem cœnobii, ac litteras ei, quas ex Italia commendatitias attulerat, reddidit; & quod ad conuersionem iafidelium attinet, nihil ei suorum